



R 252.3
15

傷寒醫訣串解其長樂陳修園
先生晚年所編集也惜六篇之中
尚缺其一以其未成書故不及付梓
其門徒猶子陳道著有靈扁風
閩之名醫也既能學先生之學又
能承先生之志日嘗手披而祕藏

之復體會其遺意而敘續一篇以補
其缺合成六篇而篇帙遂成茲脩
園古矣其猶子道其亦古矣閩中林
子壽萱子壽萱專心術世於舊書肆中檢乃
脩園先生注解葛可久十藥神書
一卷購而珍存之并恐此二種沒而

不彰因細加讐校韻而錄之欲與
兩先生傳名兼以傳世值余奉

命巡撫全閩因舊疾復起探知

林子精於療治常勞診視論及

閩中名醫林子以陳修園陳道其

兩先生對酌以修園先生所其南

雅堂十一種醫書見示且余本善
病人也又不熟是書久矣適林子
復以傷寒醫訣串解子錄一通乞
序於余、不敏每兢、官守尚恐才
不足以經世何暇論及術世然串解
實補傷寒淺註所未備不可以年

傳若再附以十藥成書註解合而
刻之庶可以作岐黃家祕本矣
今之術岐黃士果能默會精審
互相參校其裨益良不淺也姑
就林子所述其緣起為之并數
語於簡端云尔

咸豐丙辰秋九月望後三日福建巡撫呂佺孫書

景襄集傷寒淺註凡三百九十
七法依法條晰期於明白易曉
而又憲學者未能融會貫通
而得其要旨也不揣固陋復
為綜貫衍繹名曰傷寒醫
訣串解其於疑似細微之

靈抉剔詳辨頗費苦心
脩園老矣敢謂於此道三
折肱然有志之士誠能印
此袖繹其端緒推尋其綱
領而不眩於似是而非未必
非活國活人之一助也

閩長樂陳念祖修園識

傷寒醫訣串解目錄

閩長樂陳念祖脩園著

受業汪道著纂集
東冶林壽萱校訂

卷之一

太陽篇

卷之二

陽明篇

卷之三

少陽篇

卷之四

太陰篇

卷之五

少陰篇

卷之六

厥陰篇

傷寒醫訣串解卷一

閩長樂陳念祖修園著

受業姪道著纂集

東林壽萱校訂

太陽篇第一

太陽為寒水之經主一身之表

何謂太陽經症曰頭痛項強發熱惡寒是也有虛邪實邪之辨

脉緩自汗惡風為虛邪宜桂枝湯○如八九日過經不解如瘧狀面熱身癢以其不得小汗故也宜桂枝麻黃各半湯因前此未汗不得不發其汗因日數頗久故小

發其汗。○如服桂枝湯，大汗出後，形如癰，日再發，都以
餘邪未盡故也。宜桂枝二麻黃一湯。○大汗之後，不得再
行。○大。汗。之。法。而。餘。邪。未。盡。不。得。不。從。汗。而。竭。之。但。藥。品。
宜。輕。耳。

脈浮緊，無汗惡寒，為實邪。宜麻黃湯。○如無汗煩躁者，

加石膏、姜、棗。名大青龍湯。○如乾嘔而咳，去杏仁，加五

味、乾姜、半夏、細辛、芍藥。名為小青龍湯。此二湯即麻黃

湯之加減。總不出麻黃湯之範圍。此二法治表中之表。

也。

何謂太陽腑症曰表邪不去必入於裏膀胱為表中之

裏也有蓄水蓄血之辨

太陽症其人口渴煩躁不得眠脉浮小便不利水入即

吐為膀胱蓄水症宜五苓散

太陽症其人如狂小腹鞭滿小便自利脉沉為膀胱蓄

血症宜桃仁承氣湯此二法治表中之裏也

何謂太陽變症曰汗下失宜從陰從陽之不一也

不應下而下之續得下利清穀身疼痛宜四逆湯以救

清穀之裏又以桂枝湯以救身疼痛之表

病發熱頭痛脈反沉若不瘥身體疼痛當救其裏宜四

逆湯

大汗大下利而厥冷者四逆湯主之

太陽病發汗太過遂漏不止其人惡風小便難四肢微

急難以屈伸桂枝加附子湯主之

太陽病發汗太過動其營血而衛邪反內伏其人仍發

熱心下悸頭眩身瞤動振振欲擗地者真武湯主之

已上言汗下太過傷正而虛其陽陽虛則從少陰陰化

之症多以太陽少陰為表裏也

陽盛於內。誤服桂枝湯。大汗出。後大煩大渴不解。脈洪大者。白虎加人參湯主之。

傷寒若吐若下後七八日不解。熱結在裏。表裏俱熱。時惡風。大渴。舌上乾燥而煩。欲飲水數升者。白虎加人參湯主之。

傷寒不大便六七日為裏症。頭痛發熱為表症。外不解由於內不通也。下之裏和而表自解矣。與承氣湯。

病人煩熱汗出則解。又如瘧狀。日晡所發熱。屬陽明也。脈實者宜下之。與大承氣湯。脈虛者宜發汗。與桂枝湯。